



Broj : 10/E-11-3113/25
Datum : 25-04-2025 godine

Na osnovu člana 10a. stav (1) tačka a) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za zajedničke i tehničke poslove od 25.4.2025. godine, Opštinski načelnik d o n o s i:

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izumaju se usluge iznajmljivanja dvorane za potrebe održavanja kulturno-zabavnog programa.

Član 2.

Postupak nabavke usluga iz člana (1) ovog člana, je u skladu sa članom 10a. stav (1) tačka a) Zakona o javnim nabavkama i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 4.000,00 KM.
Sredstva za ove namjene su planirana u Budžetu Općine Centar Sarajevo za 2025. godinu, na budžetskom kontu: 613991-3. JRJN: 70220000-9 Usluge davanja nestambenih nekretnina u najam ili zakup.

Član 4.

Služba za zajedničke i tehničke poslove je zadužena za praćenje i realizaciju predmetnih usluga, u skladu sa zakonom i općim aktima ovog Organa uprave.

Član 5.

Za predmetnu nabavku je predviđeno zaključivanje ugovora u skladu sa odredbama Zakona o javnim nabavkama, a isti će biti zaključen sa KJP CENTAR SKENDERIJA d.o.o. SARAJEVO.

Član 6.

Ova Odluka stupa na snagu danom donošenja i ista će biti objavljena na web stranici Općine Centar Sarajevo.

O b r a z l o ž e n j e

Na osnovu zahtjeva Službe za zajedničke i tehničke poslove od 25.4.2025.godine u vezi donošenja odluke o izuzeću za usluge iznajmljivanja dvorane za potrebe održavanja kulturno-zabavnog programa, Kabinet općinskog načelnika – Odsjek za javne nabavke predlaže donošenje iste.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. stav (1) tačkom a) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci usluga za:

a) sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču;“

Kako su predmet ove nabavke usluge iznajmljivanja, a iste se mogu obezbijediti od privrednog subjekta (KJP CENTAR SKENDERIJA d.o.o. Sarajevo), kao zakupodavca, a čiji prostor ispunjava uslove za održavanje kulturno-zabavnog programa za građane Sarajeva a u okviru obilježavanja dana Općine Centar Sarajevo. Prostor je adekvatan traženim uslovima te ispunjava sve neophodne uslove za održavanje kulturno-zabavnog programa. Za dan 06.05.2025. godine predviđena je predstava „Đurologija“, a za dan 08.05.2025. godine predviđen je koncert Marka Louisa. Na osnovu svega navedenog, konstatovano je da su da su ispunjeni uslovi, iz člana 18. stav (1) i (2) a u vezi sa članom 10a. stav (1) tačka a) Zakona o javnim nabavkama kojim su propisana izuzeća od primjene odredbi ovog zakona.

Utvrđeno je da su ispunjene pretpostavke za donošenje predmetne odluke, te će se za iste zaključiti ugovor sa privrednim subjektom KJP CENTAR SKENDERIJA d.o.o. SARAJEVO, a koji pored cijene zakupa dvorane Doma mladih obuhvata i troškove organizacije kulturno-zabavnog programa za dane 06.05. i 08.05.2025. godine. Za praćenje i realizaciju ugovora zadužuje se Služba za zajedničke i tehničke poslove, te će se nakon potpisivanja ugovora o zakupu, isti dostaviti Kabinetu općinskog načelnika – Odsjeku za javne nabavke u zakonskom roku radi prijave u sistem „e-Nabavke“.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar Sarajevo za 2025. godinu, na budžetskom kontu: 613991-3.

Shodno zakonu i općim aktima Općine, Opštinskom načelniku se dostavlja prijedlog odluke o izuzeću na konačno odobravanje i saglasnost.

Cijeneći prethodno navedeno donesena je odluka kao u dispozitivu.



Dostaviti:

1. Službi za zajedničke i tehničke poslove
2. Službi za finansije
3. Kabinetu općinskog načelnika – Odsjeku za javne nabavke,
4. Evidenciji